

801 quae inluminat omnem hominem, lumen habens sapientiae^a; tu pastor ovium Christi, pasce^b quas accepisti pane vitae, virtutum floribus, praedicationis verbo. Aperi illis clave apostolicae auctoritatis in^c perpetuum^d portas paradysi^e, quatenus totus cum suo pastore^f in regno aeternae beatitudinis grex gaudeat^g.

Cum quo, divina miserante gratia, vestrae sanctitatis deductus orationibus, 5 quamvis extremus, utinam inveniar civis^h. Respice pietatis intuitu ad te respicientem, te deprecantemⁱ. Laus est medici sanitas aegroti. Gloria pastoris, si oves sibi commissas integro praesentare numero^k et magnum mercedis augmentum acceptae pecuniae^l multiplicatio.

Ego, filius vestrae bonitatis, saecularis nutricii^m occupatione liberatus, soli Deo 10 servire desiderans, vestrae auctoritatis humili voto flagitans benedictionem; quatenus mihiⁿ in huius desiderii sanctitate divina concedat pietas perseverantiam^o, ne arreptum iter qualibet astutia impedire valeat hostis^p, qui mille^q habet artes nocendi.

Ideo tam obnixe^r intercessionis vestrae depono suffragia, quoniam optime^s novi cum beato Petro, principe apostolorum, te, sanctissime pater, accepisse potestatem 15 solvendi. Solve in filio pietate paterna, virtute apostolica, catenas peccatorum; ut ego vel veniam recipere merear, dum ceteri vestrae sanctitatis filii in caelesti tecum gloria aeternae beatitudinis coronas recipere iudicentur.

Incolumem^t Christus faciat te^u vivere semper,
O pater, o pastor, papa valet, Leo^v.

20

235.

Alcvinus apud amicum quendam se excusat eique se Deo soli vacare scribit. Vestem pelliciam sibi mitti iubet. 801.

Codd. A 2 fol. 167'—168, A 1 p. 167—168 n. 121^a.
Ed. J 246.*

Aliorum negligentia mihi non est imputanda, qui ita non fecerunt, sicut ego 25 mandavi. Nihil enim^b meum mea voluntate tibi alienum voluissem fieri, sed sive infidelitas sive infirmitas eorum fuit, quod non factum est^c sicut mandavi, nullatenus mihi^b tua inputet bonitas, qui tibi cupio sicut et mihi deservire meos.

Tu scis tamen, quod negotiis secularibus utcumque me liberatum habeo, Deo soli vacare desiderans¹ vestrisque sanctissimis orationibus adiuvari perpetualiter depono, 30 vestram semper habentes memoriam, nomen vestrum^b scriptum inter nomina sanctorum patrum, quod^d inter nomina sanctorum apostolorum in celesti libro scriptum esse^e opto et credo per Dei misericordiam.

Mitte mihi tempore opportuno pelliciam longam, qualem mihi misisti, nisi forte alba potest esse, que molliorem lanam habere videtur. 35

^a) sapientia L, K. ^b) paschae L, corr. in pasce K. ^c) om. L, K. ^d) corr. in perpetui K.
^e) paradisi K. ^f) pectoris L. ^g) rex gadeat corr. in grex adeat K. ^h) cives L, K. ⁱ) deprae-
cantem K. ^k) potest excidisse videtur J. ^l) pecuniae K. ^m) an servicii legendum? J. ⁿ) michi K.
^o) perseverantiam L. ^p) hostes L, corr. in hostis K. ^q) millae L. ^r) obnixae L; obnixae K.
^s) obtime L. ^t) In quo lumen L; Incolomem K. ^u) te faciat K. ^v) papa valet Leo K; valet o Leo L. 40
235. ^a) Lemma: Epistola Albinus magistri A 1*. ^b) om. A 2. ^c) sit A 1*. ^d) et A 1*.
^e) est A 2.

1) De hoc Alcvinus consilio cf. supra lin. 10.